

Universitätsbibliothek Paderborn

**De Ioannis Calvini, Magni Qvondam Genevensivm Ministri,
Vita, Moribus, rebus gestis, studijs, ac denique morte
Historia**

Bolsec, Hieronymus

Coloniae, 1582

VD16 B 6510

Capvt XVI.

urn:nbn:de:hbz:466:1-34782



AETERUM hic astus latere diu non potuit, estq; tam subtilis machinatio non multò pōst hac occasione detecta, quod miser Montousetus magis etiam omni fauore præsidioque destitutus, maioriq; aduersum se odio concitato, Geneuam relinquerre coactus fuit, & ad heram suam redire; quamuis certum sibi inde periculum immineret, mori nimirum semel eligens, quām in perpetuis miserijs & angustijs languidum diū supereesse. Reuersus igitur Reginæ corām & ad longum exponit Geneuensium viuendi rationem, illorum mores & vitam graphicè depingit; res, & pauperibus largita, adscriptaque bona in quos usus verterentur, quemadmodum dispensarentur, multis verbis enarrat. **R**egina, cui Eleemosynarij sui integer & syncerus animus satis erat exploratus, cùm insuper certa esset, eum neque stolidum, omninoq; stupidum, neque vafre astutū esse, literas ei exhibet inspiciendas, quas ad se Caluinus postremo scripserat tum, cùm certum eō hominem destinasset. Quas cùm videret ex diametro contrarias esse, & omnino diuersas ab illis, quarum Caluinus exemplum ostenderat Geneuæ, legeratque multis corām astantibus, quas diximus fuisse asperimas, arrogantia, fastu, iniurijs ac contumelij s plenas; Reginæ hoc indicat & designat etiam, qui, cùm legerentur, præsentes adstitissent. **Q**uocircā, vt

E . 5 rem

rem ipsam exactè cognosceret, certum rursus hominem illa Geneuam remittit, vñā cum literis his Caluini suauibus tanquā ex melle & faccaro compositis, adiunxitq; suas ad honoratos quosdam viros Geneuæ commorantes, quos Montousetus affirmārat præsentes tum fuisse, cùm Caluinus legeret, quas se Reginæ missurū præ se ferebat. Abit, reditq; tabellarius, responsum ferens, ei, quod dixerat Montousetus, consentaneum. Vnde non solūm Regina Caluino minus tribuere cœpit, (quem deinceps non alium, quām vafrum aliquem veteratorem & militiosum hypocritam æstimabat) verūm quotquot etiam has eius fraudes intelligerent, alieno ab illo animo fiebant; quorum aliqui deserita Geneua, in Bernensium prouincias demigrarunt, multū eius vafricie offensi, vt qui indies Diabolicæ sūe malignitatis, & infernalium fraudium noua exempla ederet, prodigiosaq; testimonia proferret. Ex quorum numero vnum ego admodum illustre recitabo, sed per uulgatū tamen, & omnibus Geneuenſium, Bernenſium que primoribus optimè cognitum, de Domino Amyotto Perrino, illustri sanè & maximè insigni, summæq; authoritatis in ea Republica viro, vbi ex præcipuis Senatoribus fuit & supremus rei militaris Præfектus. Quem tales, tantumq; virū, cùm animaduerteret Caluinus intercedere persæpè, suisq; consilijs aduersari, conatusq; irritos facere, de eo è medio tollendo occul-

occulta consilia machinari, & inire cœpit. Valde autem conuenientem prætextum ratus, si de proditione contra urbem suspectum reddere posset, commodam & oportunam aliquam defiderij sui perficiendi rationem sedulò inuestigat. Quod dum agit, Cardinalis Bellayus Roma rediens, Geneuatum fortè iter fecit, ad Regem in aulam contendens. Geneuenses toti in hoc erant, quomodo eum honorarent, & pro more ciuitatis optimum & nobilissimum, quod habere possent, vinum solennibus lagenis præsentantes, omnia ei humanitatis officia cum quanta possent magnificientia exhibuerunt. Post eius discessum cum in aulam peruenisset, Calvinus ut consilia sua & animo conceptum facinus prosequeretur, configit literas, tanquam à Cardinale, vel ab alio, eius tamen intimo amico scriptas, quibus Geneuenses certiores redebat, Regem bono erga Rempub. animo esse, & ad eam fœdere atque amicitia sibi coniungendam valde propenso; confilium idcirco suum esse, ut ex suo corpore legatum mittent, qui fœdus amicitiamque hanc Reipublice nomine solicitaret. Miseri, & parum considerati ciues magna leuitate fidem statim huic nuncio adhibent, & tanta re non amplius ponderata eligunt, qui cum Rege de hoc tractaturus ad aulam legatus proficeretur; & quidem Amyottum Perrinum tanquam inter omnes, sicut reueraerat, maximè eloquentem & idoneum.

neum. Caluinus valdè latus atque hilaris sic rem cecidisse, & hunc electum esse, persuasissimum habebat, nunquam futurum, ut Perrinus saluus reuerteretur, ob eas, quas contra hanc Ciuitatem Rex, & qui circa Regem erant Consiliarij, inimicitias gereret; veluti in quam ex Francia facinorosi omnes, quales essent, de coctores, desperati, falsarij, iniqui nummularij, & denique Apostatæ, tanquam in tutissimum asylum confugerent. Et profectò Perrinum Montmourencius, Franciæ Conestabilis, toruum admodum est intuitus, qui aduentus eius quæ esset causa, quod eius mandatum, quæ legationis capita cum intellexisset, ferociter admodum responsum dedit, stultum eum & temerarium esse; iret, renunciaret egregijs suis Dominis Geneuensibus, venirent nudi, induijs tantum tecti, & laqueo in collum iniecto, & sic se ad pedes Regis supplices projicerent, ac misericordiam eius potius implorarent, quam tanta cum arrogantia & fastu eius amicitiam atque foedus ambirent. Quibus verbis, alijsque æquè, aut magis etiam atrocibus Perrinus vehementer est consternatus; sed subsistit nihilominus per aliquot dies in Francia, priusquam Genauam repeteret.

CA-